



Broj: 01/14-02-474/24-1
Sarajevo, 28.02.2024.g.

PREDSTAVNIČKI DOM PARLAMENTA FEDERACIJE BiH

Dana 28.02.2024. godine održana je 18. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Zakona o izmjenama Zakona o kontroli cijena – skraćeni postupak,
2. Prijedlog Zakona o poduzetničkoj infrastrukturi u Federaciji BiH,
3. Prijedlog Zakona o poticanju razvoja male privrede,
4. Nacrt Zakona o unutrašnjoj trgovini,
5. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi projekat podrške zapošljavanja,
6. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju projekta Gradski prijevoz u Sarajevu – B,
7. Inicijativa za ujednačavanje poreskih olakšica i definisanja poticaja za mlade pri kupovini prve nekretnine, koju je pokrenuo Klub NiP u Predstavničkom domu, a koju je u parlamentarnu proceduru dostavila Amra Junuzović – Kaljić, predsjednica Klub NiP u Predstavničkom domu Parlamenta Federacije BiH,
8. Inicijativa za pokretanje procedure dopune Zakona o porezu na dohodak, a koju je u parlamentarnu proceduru dostavilo Društvo Crvenog krsta Federacije BiH, i Pismo podrške aktu Crvenog krsta Federacije BiH u vezi sa pokretanjem procedure dopune Zakona o porezu na dohodak, a koje je u parlamentarnu proceduru dostavilo Društvo Crvenog krsta Bosne i Hercegovine,
9. Razmatranje dopisa Vakufske direkcije Islamske zajednice u Bosni i Hercegovini u vezi Zakona o izmjenama i dopunama Zakona o prodaji stanova na kojima postoji stanarsko pravo,
10. Inicijativa za davanje autentičnog tumačenja u vezi primjene člana 12. stav 2. Zakona o materijalnoj podršci porodicama s djecom u Federaciji BiH, a koju je u

PARLAMENTI FEDERATIVE
BARBARO
 Parlamento Federali e Parlamentari

Parlamentari	Barbaro	Parlamentari	Barbaro



parlamentarnu proceduru dostavilo Federalno Ministarstvo rada i socijalne politike,

11. Inicijativa za izvorno-autentično tumačenje člana 6. Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, koju je u parlamentarnu proceduru uputio načelnik grada Tomislavgrada gosp. Ivan Buntić,
12. Inicijativa za izvorno-autentično tumačenje člana 6. stav 2. Zakona o platama i drugim naknadama sudija i tužilaca u Federaciji BiH, koju je u parlamentarnu procedure uputio ministar finansija gosp. Nedim Muratspahić, BPK Goražde,
13. Zaključak o obavezi godišnjeg razmatranja svih Izvještaja o poslovanju Javnih preduzeća u kojima udio u vlasništvu ima Federacija BiH, a na osnovu prijedloga Centra civilnih inicijativa,
14. Urgencija Jedinственog Udruženja demobilisanih boraca 92-95 Zavidovići (JUDB).

Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad-1.

Nakon uvodnog izlaganja prisutnog predlagača i obavljene diskusije, Odbor je donio sljedeće zaključke:

1. Odbor za ekonomsku i finansijsku politiku traži od Vlade Federacije BiH da se dobiju potpune informacije u vezi politike i statistike kažnjavanja po osnovu Zakona o kontroli cijena u Federaciji BiH.
2. Odbor za ekonomsku i finansijsku politiku podržava Prijedlog Zakona o izmjenama Zakona o kontroli cijena po skraćenom postupku i predlaže da ide u daljnju parlamentarnu proceduru.

Ad-2. i Ad-3.

Uvodno izlaganje dao je prisutni predlagač ispred Vlade Federacije BiH nakon čega je Odbor obavio diskusiju i donio sljedeće zaključke:



1. Odbor za ekonomsku i finansijsku politiku prihvata Prijedlog Zakona o poduzetničkoj infrastrukturi u Federaciji BiH i predlaže da ide u daljnju parlamentarnu proceduru.
2. Odbor za ekonomsku i finansijsku politiku prihvata Prijedlog Zakona o poticanju razvoja male privrede i predlaže da ide u daljnju parlamentarnu proceduru.
3. Odbor za ekonomsku i finansijsku politiku Predstavničkog doma Parlamenta Federacije BiH predlaže Vladi Federacije BiH i Federalnom ministarstvu razvoja, poduzetništva i obrta da u Prijedlogu Zakona o poduzetničkoj infrastrukturi Federacije BiH u članu 6. stav (1) Prijedloga Zakona riječ „suda“ zamijeni sa riječju „organa“.

Ad-4.

Uvodno izlaganje dao je prisutni ovlaštenu predlagač ispred Vlade Federacije BiH, Odbor je obavio diskusiju i donio sljedeće zaključke:

1. Odbor za ekonomsku i finansijsku politiku predlaže da Nacrt Zakona o unutrašnjoj trgovini ide u daljnju parlamentarnu proceduru.
2. Odbor predlaže Federalnom ministarstvu trgovine da uključi i pitanje web shopa, e-trgovine ili eventualno izbacivanje trgovačke knjige i da ostane tradicionalni pisani način kao do sada ili da se uvede paralelno održavanje.
3. Odbor predlaže da se posebna pažnja posveti u vezi člana 17. Nacrta Zakona i izdvoji vrijeme, napor i ukoliko je potrebno i finansijska sredstva kako bi se napravila sveobuhvatna studija socio-ekonomskih efekata uvođenja člana 17. u smislu rada prodajnih objekata.

Ad-5.

Uvodno izlaganje dao je predstavnik Federalnog ministarstva finansija i upoznao Odbor sa dostavljenim Prijedlogom Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi projekat podrške zapošljavanja, nakon čega je Odbor pristupio glasanju i donio sljedeći



Zaključak

Odbor za ekonomsku i finansijsku politiku prihvata Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi projekat podrške zapošljavanja i predlaže da ide u daljnju parlamentarnu proceduru uz napomenu da Odbor i dalje ostaje pri svom zahtjevu na prisustvu nadležnih iz resornog ministarstva na sjednici Predstavničkog doma kako bi dali odgovore na određena pitanja zastupnika.

Ad-6.

Uvodno izlaganje dao je predstavnik Federalnog ministarstva finansija i veoma detaljno upoznao Odbor sa dostavljenim Prijedlogom Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju projekta Gradski prijevoz u Sarajevu – B, nakon čega je Odbor pristupio glasanju i podržao sljedeći

Zaključak

Odbor za ekonomsku i finansijsku politiku prihvata Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicione banke za realizaciju projekta Gradski prijevoz u Sarajevu – B i predlaže da ide u daljnju parlamentarnu proceduru uz napomenu da Odbor i dalje ostaje pri svom zahtjevu na prisustvu nadležnih iz resornog ministarstva na sjednici Predstavničkog doma kako bi dali odgovore na određena pitanja zastupnika.

Ad-7.

Uvodno izlaganje dala je podnositeljica Inicijative u ime zastupnika Kluba NiP, predsjednica Kluba NiP, Amra Junuzović – Kaljić i veoma detaljno upoznala članove Odbora sa ovom Inicijativom i problematikom sa kojom se mladi ljudi susreću pri kupovini prve nekretnine.

Odbor je obavio diskusiju tokom koje su članovi Odbora iznijeli svoja pojedinačna mišljenja, prijedloge i sugestije, te na koncu podržali sljedeće:

Zaključak 1.

Odbor za ekonomsku i finansijsku politiku podržava Inicijativu za ujedinjavanje poreskih olakšica i definisanja poticaja za mlade pri kupovini prve nekretnine, koju je



pokrenuo Klub NiP u Predstavničkom domu Parlamenta Federacije BiH i predlaže da se nastavi sa daljnjom parlamentarnom procedurom kako bi se čim prije riješila ova problematika i izbjegla diskriminacija po pojedinim kantonima, uz napomenu da se kontinuirano analizira efekat sistema poticaja.

Zaključak 2.

Odbor za ekonomsku i finansijsku politiku upućuje apel Vladi Federacije BiH da koordinira i definira sistem poticaja za mlade u svim kantonima u vezi stambene politike.

Ad-8.

Nakon uvodnog izlaganja podnositelja Inicijative i Pisma podrške, Odbor je obavio diskusiju i donio sljedeći

Zaključak

Odbor za ekonomsku i finansijsku politiku podržava Inicijativu za pokretanje procedure dopune Zakona o porezu na dohodak, a koju je u parlamentarnu proceduru dostavilo Društvo Crvenog krsta Federacije BiH, i Pismo podrške aktu Crvenog krsta Federacije BiH u vezi sa pokretanjem procedure dopune Zakona o porezu na dohodak, a koje je u parlamentarnu proceduru dostavilo Društvo Crvenog krsta Bosne i Hercegovine i predlaže Vladi Federacije BiH da u parlamentarnu proceduru dostavi dopune Zakona o porezu na dohodak na način da prihvati prijedloge koje je dostavilo Društvo Crvenog krsta Federacije BiH u Inicijativi, a u okviru fiskalnih zakona.

Ad-9.

Uvodno izlaganje dao je predstavnik Vakufske direkcije Islamske zajednice u Bosni i Hercegovini u vezi Zakona o izmjenama i dopunama Zakona o prodaji stanova na kojima postoji stanarsko pravo, nakon čega je Odbor obavio diskusiju i donio sljedeći

Zaključak

Odbor za ekonomsku i finansijsku politiku predlaže Vladi Federacije BiH i Parlamentu Federacije BiH da krene sa izmjenama Zakona o prodaji stanova na kojima postoji



stanarsko pravo na način da omogući da pravna lica imaju pravo podnijeti zahtjev za dodjelu zamjenskih stanova ili adekvatnog finansijskog obeštećenja.

Ad-10.

Odbor je veoma detaljno razmotrio Inicijativu za davanje autentičnog tumačenja u vezi primjene člana 12. stav 2. Zakona o materijalnoj podršci porodicama s djecom u Federaciji BiH, a koju je u parlamentarnu proceduru dostavilo Federalno Ministarstvo rada i socijalne politike kao i Mišljenje Vlade Federacije BiH na ovu Inicijativu, te na kraju donio sljedeći

Zaključak

Odbor za ekonomsku i finansijsku politiku smatra da Inicijativa za davanje autentičnog tumačenja u vezi primjene člana 12. stav 2. Zakona o materijalnoj podršci porodicama s djecom u Federaciji BiH, a koju je u parlamentarnu proceduru dostavilo Federalno Ministarstvo rada i socijalne politike treba da ide na Zakonodavno pravnu komisiju Predstavničkog doma kako bi, ukoliko je to potrebno, dala izvorno-autentično tumačenje, jer to nije u nadležnosti ovog Odbora.

Ad-11.

Uvodno izlaganje dali su predstavnici grada Tomislavgrada, a koji su i podnositelji Inicijative, nakon čega je Odbor obavio diskusiju o podnesenoj Inicijativi za izvorno-autentično tumačenje člana 6. Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata i razmotrio Mišljenje Vlade Federacije BiH o ovoj Inicijativi, te donio sljedeći

Zaključak

Odbor za ekonomsku i finansijsku politiku smatra da Inicijativa za izvorno-autentično tumačenje člana 6. Zakona o dopuni Zakona o izdvajanju i usmjeravanju dijela prihoda preduzeća ostvarenog korištenjem hidroakumulacijskih objekata, a koju je dostavio Ivan Buntić, gradonačelnik Grada Tomislavgrada, treba da ide na Zakonodavno pravnu komisiju Predstavničkog doma kako bi, ukoliko je to potrebno, dala izvorno-autentično tumačenje, jer to nije u nadležnosti ovog Odbora.



Ad-12.

Uvodno izlaganje dao je ministar finansija gosp. Nedim Muratspahić, BPK Goražde koji je i podnositelj Inicijative za izvorno-autentično tumačenje člana 6. stav 2. Zakona o platama i drugim naknadama sudija i tužilaca u Federaciji BiH, nakon čega je Odbor obavio diskusiju i donio sljedeće:

Zaključke

1. Odbor za ekonomsku i finansijsku politiku Predstavničkog doma smatra opravdanom Inicijativu Ministarstva za finansije Bosansko-podrinjskog kantona Goražde za davanje izvornog autentičnog tumačenje člana 6. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije BiH”, broj: 72/05, 22/09 i 55/13) i smatra opravdanim davanje tumačenja po hitnom postupku i predlaže da ista ide u daljnju parlamentarnu proceduru.
2. Odbor za ekonomsku i finansijsku politiku Predstavničkog doma smatra neophodnim da Parlament Federacije BiH da autentično tumačenje iz tačke 1. ovog Zaključka jer se ista tiče i finansiranja djelatnosti federalne vlasti, ustanova i institucija koje federalna vlast osniva oporezivanjem, zaduživanjem ili drugim sredstvima, a evidentno je da je tumačenje neophodno kako bi se omogućila kontrola i pravilno izvršenje Budžeta Federacije BiH, te zbog toga inicijativu iz tačke 1. ovog Zaključka predlaže kao svoju Inicijativu.
3. Za izvjestitelja Odbora po ovoj Inicijativi određen je Admir Čavalić, predsjednik Odbora za ekonomsku i finansijsku politiku.

Ad-13.

Uvodno izlaganje dali su predstavnici Centra civilnih inicijativa (CCI) i upoznali prisutne članove Odbora sa Zaključkom o obavezi godišnjeg razmatranja svih Izvještaja o poslovanju Javnih preduzeća u kojima udio u vlasništvu ima Federacija BiH. Odbor je obavio diskusiju i donio sljedeće:

Zaključke

1. Odbor za ekonomsku i finansijsku politiku traži od Parlamenta Federacije BiH i Vlade Federacije BiH da definiraju obavezu godišnjeg razmatranja svih



Izveštaja o poslovanju Javnih preduzeća u kojima udio u vlasništvu ima Federacija BiH.

2. Odbor će tražiti izjašnjenje Predstavničkog doma o ovom zaključku na prvoj narednoj sjednici i da se ovaj zaključak uvrsti kao tačka dnevnog reda u skladu sa Poslovníkom Predstavničkog doma.

Ad-14.

Odbor je razmotrio Urgenciju Jedinstvenog Udruženja demobilisanih boraca 92-95 Zavidovići (JUDB) i konstatovao da podržava prethodno dato Izjašnjenje Vlade Federacije BiH u vezi ove Urgencije u kojem se navodi da je podnesena Urgencija potpuno neodređena i da nisu jasno utvrđene i određene kategorizacije za utvrđivanje prava na branilački dodatak za sve branioce, te predlaže predlagачu Urgencije da istu precizno, jasno i potpuno doradi tek onda dostavi u parlamentarnu proceduru.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA

Admir Čavalić